

"ARUBAANSE COURANT"
diariamente cu excepcion di
diadomingo
subscription f. 3.25 pa luna
edicion los 20 ct.

edita pa:
N.V. Arubaanse Drukkerij- en
Uitgevers- en Publiciteits Mij.
Nassaustraat 85 Ostad Aruba N.A.

imprimi na:
Theaterstraat 11, Willemstad Curacao
N.V. Drukkerij „De Stad“
Telefoon 1116 Directiva y redaccion.
2116 Anuncio y subscription.
Directeur hoofdredacteur: D. Wolff.

ARUBAANSE COURANT



Diario pa



Aruba



SWIFT

CORNED BEEF

gusta pa grandi y chikito den tur
cas, pa su calidad y su bon smaak.

Agentes:

Wimco

Año 24

DIAHUEBS 8 DI AUGUSTUS 1963

No. 4711

APUNTES EDITORIAL

DESARROYO CRITICO

Ayera noch lo tabata un siman pasa
cu e Consejo Ejecutivo di Aruba a
eligi dos diputado nobo: Alberto Fal-
coni y D.C. Mathew, e Arubiano cu
21-0 y e Isla'ribenjo cu 11-10. No
unicamente ta interesante, pero tambe
util pa pensa un rato ariba e desarroyo
politico rond di e eleccionnan aki.

Tabata mas cu claro cu senyor Fal-
coni a wordo poni den su stul di depu-
tado pa partidonan di oposicion, apesar
di e esfuerzonan di P.P.A. pa duna un
otro impresion. Gracias na e 11 voto-
nan, cu a haci senyor Falconi slinta un
siman promer durante un ora den e
stul, e por a bolbe slinta den e stul.
Loke el a hanta awor acerca ta 10
voto mas di su mes partida, ariba su
mes cantidad cu no ta bastante pa por
a eligi. Pakiko P.P.A. a bolbe pone
candidato, apesar cu nan tabata sabi
cu nan ta haci loke oposicion tabata
kler?

P.P.A. mester a haci esaki, pa no
duna oposicion e oportunidad di por
bisa na Noord. P.P.A. no kier un de-
putado for di Noord. No lubida: du-
rante di e ultimo eleccionnan na Aruba
senyor Falconi tabata di cinco cu a
hanta mas voto for di e 26 otro can-
didatonan ariba lista di P.P.A. El a
hanta 795 voto na su favor, especial-
mente for di Noord y becindario. E
debilitamento di P.P.A. pa motibo di e
desuntonan interno, claramente ta sali
na claridad cu esaki. Pa di promer
blaha despues di ocho aña oposicion a
logra impone e partida cu mayoria den
raad nan voluntad. Nos ta desea sen-
yor Falconi hopi „forza“ den B.C.

Mucho mas complica ta e situacion
den e sector Isla'ribenjo di P.P.A.
caminda nos a constata un re-agrupa-
cion inespera. Promer aya tabatin aki,
na un banda e senjornan Chance y Ma-
thew cu nan contra-partida (esta den
e seccion aki di P.P.A.) senyor Anslin,
awor diripiente senyor Chance a bira
partidario di Anslin, pa motibo di cual
senyor Mathew a wordo poni den un
posicion isola. Den e situacion aki,
cual dia pa dia tabata birando mas
critico, e directiva di partido mester a
escohe pa un di e dos partidanan. Si
nan a escohe pa banda di Mathew,
anto nan tabata corre e riesgo den el-
landsraad, caminda P.P.A. tabatin un
mayoria di 13-8, di perde dos voto
pa motibo di cual e ora ey e mayoria
lo a bira mucho mas chikito esta
11-10. Si nan escohe pa e dos otro-
nan anto nan ta corre e riesgo cu Ma-
thew lo keda malcontento, loke ta re-
sulta den un riesgo mucho mas grandi,
pa motibo cu Mathew ta forma un
parti di e gobierno di e combinacion
PPA-DP den Staten, cu tin un mayoria
minimo di 12-10. Asina cu P.P.A.
a escohe e banda di Mathew.

Despues di e decision aki e siguien-
te pregunta tabata: con parti e duo
Chance-Anslin di e Isla'ribenjo for
di otro, cu un perdida minimo di voto
pa e partida. Esaki a wordo haci door
di pone Mathew mes, como candidato
pa diputado. Promer nan a pone e
Bruce, kende ta ineligibile (ineligible pa
motibo cu e no ta aparece den e regis-
tro di votamento en cuestion cu su es-
tudio na Hulanda), como candidato un
manobra di disviacion. Un minuut
promer cu votamento di deputadonan
den raad, e vocero di P.P.A. a anuncia
cu nan kier pone senyor Mathew como
candidato pa e puesto. E senjornan
Chance y Anslin tabatin poco tempu
pa pensa y a eligi, manera cu P.P.A.
a spera, net robez: contra Mathew.
Cu nan a vota contra di djé, por wel
di wordo accepta awor como un echo.
E posicion di e duo Chance y Anslin
cerca e Isla'ribenjo nan enberdad a de-
bilitta mucho mas. Nan reclamacion
contra di e candidatonan Whitfield y
Bruce tabata acceptabel na nan apoya-
donan. E hombernan aki no tabata
pertenece na e trahadonan duro y e
amigonan grandi di Isla'ribenjo. Nan
oposicion contra di Mathew, e hom-
ber entre e tresnan kende endudable-
mente tin mas simpatia cerca e Isla
'ribenjo, lo nan no por drecha awor
cu dos, tres palabra. Alavez ta bin
acera cu e confianz den e duo Chance
y Anslin, a wordo debilita den nan mes
grupo, pa motibo di e agrupacion in-
espera di e dos enemigonan aki. Asina
cu den e rond aki siguramente P.P.A.
a sali como e ganador.

(SIGI LESA PAG. 4)

Trupanan di invasion ta continua nan marcha na HAITI

Flota Mericano ta patruya dilanti costa

NEW YORK, 8 aug. —
E forsanan milita di e exi-
lodonan Haitiano, cu an-
tayera a invadi e costa
noord di Haiti, parce ta mar-
cha den direccion zuid west,
asina ta wordo bisa den e ul-
timo noticianan cu a wordo
ricibi na New York.

E exiladonan ta trata pa isola e
ciudad Cap Haitien for di Port au
Prince. Ya anteriormente a wordo
bisa cu Cap Haitien tabata isola y
segun un exilado na Washington ya
e ciudad ta conquista. Algun unidad
di e rebeldanan parce ta 145 kilo-
meter for di Port au Prince.

Patruxa Mericano

E corant Mericano „Washington
Star“ a anuncia ayera, cu unidatnan
di flota Mericano ta patruxa na costa
Haitiano pa si ta necesario prote-
ha bida di ciudadanonan Mericano
na Haiti. E ministerio di defensa na
Washington no kier a confirma ni
desmenti e noticia ey.

Na un reunion di e consejo di
organizacion di Estadonan Mericano
na Washington e representante Hai-
tiano a acusa Republica Dominicana,
cu e pais ey ta yuda e adversa-
rionan di president Duvalier. E dele-
gado Dominicano a ninga cu esey ta
e caso.

E consejo di e organizacion a du-
na su comision especial orden. pa
investiga e keho cu Haiti a entrega.

Miembreonan di e comision ta Co-

lombia, Chile, Ecuador y El Salva-
dor.

Den conversacionnan cu e agen-
cia di prensa AFP, desterradonan a
duna como nan opinion, cu general
Cantave, si su invasion tin exito, pro-
bablemente lo forma un gobierno
provisional. E mes lo tin direccion
di esaki, asis pa un coalicion di ci-
vil y militarnan.

Te ainda nan no sa di unda e par-
ticipantenan di invasion a sali. al-
gun ta kere cu ta for Venezuela. o-
tronan ta pensa cu nan a pasa fron-
tera entre Haiti y Republica Domi-
nicana.

En relacion cu esaki nan ta mu-
stra cu Juan Bosch, president di Re-
publica Dominicana, ultimamente a
ordena desarme di desterradonan
Haitiano cu a busca refugio den su
pais. Asina cu el a hanta noticia to-
cante operacionnan militar contra
Haiti Bosch a laga refuerza tur pueston-
an militar na Frontera. E medid-
nan aki parse ta tene relacion cu e
acusacionnan nobo di agresion con-
tra Republica Dominicana. Den un
telegram na organizacion di Estadon-
an Mericano minister Haitiano di
asuntunan exterior a culpa autori-
dadnan Dominicanas di complicidad.

Bringamentonan

Rebeldanan cu a baha dialuna den
noord di Haiti, ta sigui nan marcha,
segun plan. Asina e ex-minister Hai-
tiano di asuntunan interior y defen-
sa Roger Rigaud a declara, awor tardi na
Washington. El a bisa cu e no por
participa di unda e desterradonan cu
a baha na Haiti a bin.

Nan no a sali na di Republica Do-

minicano, Venezuela o Cuba. Pero si
el a anuncia, cu e grupo cu ta bato
di comando di ex-hefe di staf gen-
eral Cantave a yega cu vapor na costa
noord di Haiti. Rigaud a declara
cu e ta spera cu e bringamentan aki
lo dura lunanan largu, pasobra pre-
sident Duvalier ta gara e poder por
medio di tur medidanan. E desterra-
donan aki ta hanta hopi apoyo cerca
e poblacion local.

Un ex-diputado Haitiano cu ta bi-
ba desterra na Santo Domingo, a re-
vela awor cu e trupanan di invasion ta
usa un isla cerca di costa di Haiti
como base, pero e no a duna nomber
di isla. Nan a sali den dos grupo
pe parti noord di Haiti, pa asina ki-
tele foi restu di pais.

Entre tantu nan a tende di fuente
oficial den e capital di Haiti, Porto
Principe, cu trupanan di gobierno a
cohe 17 miembro di trupa di invasion
presu. Segun e stacion di radio di
Cap Haitien, un di ciudadnan gran-
di di Haiti, tin un prohibicion di sa-
lida.

A resulta cu e luga aki te ainda ta
den man di e president.

FATUM — Tel: 1845
pa tur bo aseguronan

11 AGOSTO COMPETITIE DI DOMINO TA CUMINSA.

ORANJESTAD, 8 aug. — Dia 11
di augustus e competitie di Aruba
Domino Bond lo cuminsa den Es-
trella Club na Santa Cruz, pa dos or
di merdia.

ORGANISADORNAN TA STOP CU CINCU Y SEIS

(Di nos correspondente na Cor- v)

WILLEMSTAD, 8 aug. — E es or-
ganisadornan grandi di Jorsow di e
pool Venezolano Cines 7 Sels lo no
percura mas pa e formulacion, aspi-
nos a wordo informa di fuente fidedi-
gno. Esaki en relacion cu e medidanan
di autoridanan contra di loterianan
prohibi cu nan a anuncia.
Dia 31 di juli procurador-general mr.
I. de Castro-Yohani y Gezaghebber M.
P. Gorsira a anuncia durante un con-
ferencia di prensa cu medidanan lo
wordo toma contra e loterianan prohi-
bi. Desde diasabra u.p. recherche a
cuminsa muestra interes pa e formulacio-
nan di cinco y seis cu ta sali cu avion
pa Caracas.

Entretantu e diario „El Nacional“ na
Caracas a bisa cu e medidanan di auto-
ridadnan na Corow ta un intento pa
protege e propio loteria, cu ultimamen-
te a ser perhudica hopi door di e au-
mento grandi di e pool di Venezuela.

Cada siman participantenan na Cor-
sow lo a participa pa un suma di 50.000
bolivares.

TRES N.V. DI DE VEER A KEDA ESTABLECI

ORANJESTAD, 8 aug. — Dia 9
di april u.p. senjora Irma de Veer-
Jones, senior Marie Francois Gabriel
Georges Porry y su esposa senjora
Hilda Porry-De Veer, senior Marie
Joseph Louis Olivaint Porry y su es-
posa sra. Julia Josefine Porry-De
Veer a establece como tres n.v. Na
promer luga a keda establece E. de
Veer Exploitatie Maatschappij N.V.,
un empresa cu ta negocia den edifi-
cio y terenonan, accionan, efectonan
etc. E capital di esaki na estableci-
mento tabata \$600.000.— di cua
\$405.000.— tabata coloca y iena. Co-
mo directornan di e n.v. aki a ser
nombr sra. Hilda Porry-De Veer y
sr. Gerard de Veer Jr., como presi-
dent comisionaron sra. Irma de Veer-
Jones y como comisionaron mr.
Frank Hartong y sr. Alfred Moron
Jr. Den e capital coloca sra. Irma de
Veer-Jones a participa pa \$297.000.—
y ambos otro socionan pa \$154.000.—
E segundo n.v. cu a ser funda pa e
mesun personanan ta E. de Veer
Transportbedrijf N.V. cu un capital
di \$75.000.— di cua \$40.000.— ta-
bata coloca na establecimiento. Di-
rector di esaki ta senyor M.F.G.G.
Porry micentras cu mr. Hartong y sr.

COMPETITIE A.V.B.

Awenochi pa 7.30 den WILHELMINA STADION

S. C. A. vs. TRAPPERS
(A KLASSE)

ENTRADA GENERAL FL. 0.50

Mucha militar prijs

MAS NUMBER NOBO

ORANJESTAD, 8 aug. — E nom-
bernan nobo pa Arubaanse Courant
ta sigui dreita. Desde dialuna ul-
timo cu nos a publica nos promer
lista di nombernan, hopi mas a bin
acerea. Aki ta sigui e nobonan:

Amigo Arubano
Antillanito
Aruba Ariba
Aruba Antillana
Aruba Corant
Aruba Herald
Arubanito
Agulla
Atami
Bonhini
Cien por Ciento Papiamento
Corant Luchador Juan Iras
Corant Union Arubano
Courant Arubanito
Courant Diario
Courant di Pueblo Arubano
Courant Popular
Courant Social
Cupido
Diarruba
Diario Local
Diario Noticiero
Dividivi
E Diario Local
E Testigo
El Especial
Eilandnieuws


Gabijan
Las Mañanitas
La Libertad
Libertad
Mensahero
Mi Mensahero
Mi Arubanito
Mi Paloma
Mi Preferico
Noticia Atrasa
Noticiero Aruba
Pan-Aruban
Papiamento Cien Per Ciento
Perla di Amillas
Perla di Aruba
Perla di Caribe
Popular
Presente
Prilichito
Problecho di Aruba
Preferido Corant
Triplal
Union Arubano
Universal
Unidad Arubano
Vencedor
Vocal Arubano
Voz di P.P.A.
Watapana

Nos ta spera di ricibi hopi mas.
Un blaha mas nos kier muestra kiko
ta e exhiencionan pa e nomber aki
ta adecuado: e mester ta ENER-
GICO, FACIL pa pronuncia, CA-
RACTERISTICO y DIGNO.

Moron ta actua como comisionaron.
Sra. Irma de Veer-Jones a participa
den e capital pa \$297.000.— y e dos
otro socionan cada uno pa \$154.000.—
E tercer n.v. cu a ser establece pa
e personanan menciona ariba ta E. de
Veer Chain Theatres N.V., e empre-
sa di cine. Capital di e empresa aki

ta \$45.000.— di cua \$12.000.— ta-
bata coloca na establecimiento. Di-
rectora di esaki ta sra. Hilda Porry-
De Veer, mientras e comisionaron ta
mesun di ultimo menciona. Sra. Irma
de Veer-Jones a participa aki na
\$8.800.— y cada uno di e otro socio-
nan pa \$1.600.—

HUMA UN CIGARIA
VERDADERO
HUMA UN
CAMEL



FAVORITO DI ARUBA



E demostrantenan Mericano contra separacion rasi-
al cu seramentu di brazanan den otro no ta evita cu polis
ta hiba nan den auto. Awor nan a bini cu un idea nobo
usando cadena cu candal pa evita arestacion. Contesta
di polis tabata un sker pa corta waya pa asina toch hiba e
demostrantenan den auto.

Deputadonan di Aruba a parti puestonan

ORANJESTAD, 8 aug. — Actual-
mente e cuater deputadonan nombra
a reparti e puestonan di gobierno.
Manera tabata di spera tur departa-
mento cayendo bato di e sector eco-
nomico a bini bato di diputado F. J.
Tromp. Openbare Werken a bolbe
bini bato di diputado I.S. de Cuba.

E reparto correcto di e puestonan
en lo futuro ta lo siguiente:

1. Deputado I.S. de Cuba ta espe-
cialmente encarga cu e asuntunan:
— algemeine dienst, entre cua e de-
partamento algemeinezaken di be-
stuurskantoor y ambtenaarn den
servicio general;
— brandweer;

— Dienst Openbare Werken;
— trafico y transportacion, entre cua
— luchthavendienst y haven-en loods-
dienst.

2. Deputado A. Falconi ta espe-
cialmente encarga cu e asuntunan:
— Departamento di Bevolking y
Bureelijke stand di bestuurskan-
toor;
— arbeidszaken y werkverschaffing;
— agricultura, ganaderia y pesca;
— cuido social;
— telefoondienst;
— servicio veterinario.

3. Deputado G. A. Oduber ta espe-
cialmente encarga cu e asuntunan:
— departamento di personeelszaken
y registratuur di bestuurskantoor;
— domeinen;
— gezondheidsdienst;
— Ensejanza, cultura y educacion,
entre cua biblioteca publica,
— volkshuisvesting;
— servicio di informacion.

4. Deputado F. J. Tromp ta espe-
cialmente encarga cu e asuntunan:
— centrale tabuleerdienst;
— asuntunan economico, entre cua
welvaartszorg y turismo;
— Financien, entre cua accountants-
dienst y oficina di cilandsontvan-
ger;
— water-en energiebedrijf.

Reemplazo pa motibo di enferme-
dad of ausencia tambe a keda regla
di e siguiente manera:

Deputado I.S. de Cuba pa Depu-
tado A. Falconi;

Deputado A. Falconi pa Depu-
tado I.S. de Cuba;

Deputado F. J. Tromp pa Depu-
tado G. A. Oduber;

Deputado G. A. Oduber pa Depu-
tado F. J. Tromp.


DIRECTAMENTE DI PUERTO RICO PA ARUBA E BARCO „ZUNILDA“ FLETA ESPECIALMENTE PA
FIRMA E.F. DEBROT INC. BOCA CHICA TA WORDE IMPORTA DEN SU BA-
RILNAN ORIGINAL PA DELEITE DI TUR CONSUMIDORNAN DI HENTER ARUBA.



Ariba e portret aki nos ta mira parti di un embarque grandi di Barilnan original di BOCA CHICA cu a caba di fega
Aruba, directamente for di Puerto Rico. Senjores Louis Aponte y Barrow di firma E.F. DEBROT ta conversando
cu e capitán di „Zunilda“ senyor Isidro Lora, micentras cu un miembro di tripulacion ta escuchando en interes. Ape-
namente e tabata informele di e grandioso concurso di RON BOCA CHICA, cu su premionan fantastico, pa e
sorteo di 19 di december venidero.

RON „BOCA CHICA“ CADA DIA MAS GUSTA! CU UN AUTO OPEL STATION WAGON KADELT '63,
PROME PREMIO, UN PIANO SEGUNDO PREMIO, UN AIRCONDITIONER TERCER PREMIO. Sigui dis-
fruta di e mehor Ron, y cambia tapanan y botterman bashi pa ticket, y gana premios.

Firma E.F. DEBROT INC. — agente pa e famoso Ron „BOCA CHICA“.



Esaki ta un Pathfinder H-16 helikopter. Un diseno di e Piasecki Helikopter Company na Philadelphia. E avion por start manera un avion normal, pero alavez tambe tin tur calidad di un helikopter: incluyendo e start vertical. Den e rabu di e avion nos ta mira e propeller pa hula horizontal, mientras en ariba di e avion e propeller pa hula vertical ta situa. E avion por alcanza un velocidad di 270 kilometer.

VIOLASION DI FRONTERA

VIENNA, 8 aug. — Ni Vienna nan a arresta awe dos Suco y tres demostrante Ingles anti bon nuclear pa motibu di violacion di frontera. Nan a detene nan ne ministerio interior despues cu nan a trata pa papia cu e minister cu no tabata presente. Despues nan a ninga pa sali dje edificio y polis a corre despues cu nan cu violencia.

TERITORIO INSULAR DI ARUBA

Ontvanger di Teritorio Insular di Aruba ta participa na esnan cu debe awa pa luna di juni 1963 cu aanmaning lo ser poni na post dia 12 di augustus 1963 y cu for di dia 13 di augustus 1963 lo cuminsa cobra gastonan di aanmaning pa e luna menciona.

De Gaulle ta contesta Kennedy

PARIS, 8 aug. — Fuente autoriza na Paris a participa, cu president De Gaulle a contesta president Kennedy fin di siman pasa riba e mensahe, cu Kennedy a manda pe dia 25 di juli, e fecha riba cual e acuerdo pa stop pruebana nuclear a worde logra na Mostu.

Durante su conferencia di prensa augustus e president Mericano a haci mencion di cierto proposicionnan, cu el a haci poco tempo pasa na Francia tocante e sistema riba cual e cooperacion riba territorio nuclear entre Merca y Francia lo por desarolla su mes mas satisfactorio. Pero Kennedy a agrega na esey cu e no a hanja contesta di gobierno Frances riba e preguntanan, cu excepcion di e observacion cu president De Gaulle a haci den su conferencia cu prensa dia 29 di juli.

E circulanon menciona, no kier bisa nada tocante contenido di e contesta, cu fin di siman pasa a worde entrega na Washington. Tampoco na Washington, unda nan a bisa cu e contesta a yega dos of tres dia pasa, nan no kier a duna ningun indicacion di e contenido, pasobra asina a bisa, e deliberacionnan general tocante e asunto aki no a termina ainda.

Segun un fuente autoriza na London e president Frances a contesta tambe un carta, cu el a ricibi recientemente di premier MacMillan tocante asunto nuclear. E contesta aki a worde ricibi via di e embajada Ingles na Paris. E portavoz no kier a haci participacionnan tocante contenido di e contesta aki.

Alemania West ta aumenta su potencia nuclear

WASHINGTON, 8 aug. — E minister Mericano di defensa, McNamara, a bisa ayera noch na Washington cu e ta mashu contentu cu e manera cu Alemania West ta aumenta su potencia nuclear.

McNamara a bisa esaki despues di su regreso for di Alemania West, unda el a firma un acuerdo den cual Alemania West ta obligá su mes pa e vendiendo dos anjanan di belasting compra mas di 1.3 millard dolar na equipo militar.

McNamara a mustra cu Alemania West den ultimo dos anjanan a aumenta su begroting di defensa cu 40 por ciento.

YABI

pa bo exito

Avisa don ARUBAANSE COURANT y compara e resultadol

Awor un Set di 3 bunita
WEJA DI ALUMINIUM

di **ROBIN HOOD**, cu cada paki bashi di 10 lbs., of cada 2 paki bashi di 5 lbs., of cada 4 paki bashi di 2 lbs., di e famosu hariña **"ROBIN HOOD"** mas solamente **Fls. 1.00**...

Cambia bo set di WEJA na bo tienda favorita of na **"LA COLOMBINA"** — Agente pa Aruba, Schelstraat, - Oranjestad. — **TEL. 2357**

AWOR OBTENIBLE NA

Panama Store ROMART

INTERIOR — EXTERIOR

ROMART TA UN VERT MODERNO, CUIDADOSAMENTE MESCLA PA PROTEHA E SUPERFICIE COMPLETO.

Proteccion den cada galon.

1 galon f. 5.10
1/4 galon f. 2.25

Tambe tin tur sorta di KWASHI.

„Cinco y Seis” ingenioso y nobel: no hazard

(Pa nos Colaborador Hipico)

Den ultimo dianan mi a leza den corant cu nan ta bai tuma medidanan severo pa stop e weganan ilegal manera rifa, cañolli etc. Cu hopi stranjeza mi ta mira cu „5 y 6” ta worde inclui den e grupo aki. Esy ta algo incomprendible pa mi pasobra „5 y 6” nunca por ser considera un wega di suerte (hazard).

Cinco y seis de lo contrario ta un wega ingenioso y nobel. Nobel pasobra cu e ta intimamente liga cu e gran nobel deporte hipico, e „deporte de los Reyes”. E ta ingenioso pasobra ta un wega cu no por ser domina pa ningun calculo matematico. Cinco y seis ta un wega atractivo pasobra su mecanismo ta un mecanismo di mas perfecto cu mi conoce y su tipo di aspecto no ta depende di suerte sino ta existi mashu hopi conocimiento tecnico di e persona cu kier hunga cu exito.

Kiko un hende mester sabi pa e por tuma parti den e wega di 5 y 6? Mi kier menciona poco di e puntanan cu un persona mester sabi na e por bor hunga den e wega di 5 y 6 cu posibilidad di exito.

1. Pormenores di e cabainan cu ta bai corre.
2. Paso di e mes cabainan mester ta huzga cu tino.
3. Habilidad di e jinete.
4. Habilidad di e preparador.
5. E mester por huzga influencia cu e distancia tin pa cada cabal.
6. E punto di salida na ora di corre.
7. E resultado di e ultimo actuacionnan di e cabal.
8. Resultado di e entrenamiento di e cabal.
9. Situacion di e pista riba cual e corremto ta tuma lugar.
10. E grupo o serie den cual e cabal ta pertenece.

Mi kier duna poco explicacion mas extenso riba tur e diez puntanan aki.

1) Tin cabal di bon „raza” conoci mundialmente, y ta otro di menos

2) Den e aparato di salida tin 14 puesto di cual e cabainan por sali. E numeracion ta bai di paden pafor. Ta comprensible cu pa cada distancia tin puesto di salida mihor cu otro. Pesey e exito di un cabal ta depende hopi biaha di su puesto di salida. E hungador mester ta al corriente di esaki.

3) Den e literatura hipica ta ser publica estadistica y actuacion di cabal, jinete y preparador. E hungador mester tene cuenta cu e ultimo actuacionnan di un cabal pa huzga si e cabal ta corriendo bon of ta bai atras.

4) Tambe e resultado di e entrenamiento ta yuda nos huzga e posibilidad

bon raza. Segun e raza di e cabal nos por huzga hopi biaha cu exito su cualidadnan. Na Venezuela por e-hemplo nos tin e cabainan cu a ser importa di Argentina, Brasil etc. tur animal di raza. Tambe nos tin cabal naci na e pais mes cu ta ser indica como „criollo”. E cabal importanan ta parti den diferente serie y e criollonan ta parti den grupo. Tin hopi criollo cu a resulta asina bon cu nan ta competi cu exito contra e importadonan.

5) Paso di un cabal ta di gran importancia den un careda. Un peso (handicap) halto naturalmente ta menos favorable. Nos mester sabi si e cabal ta un cu por corre cu peso halto sin mucho dificultad si of no.

6) Tin jinete profesional y tin aprendiz. E ultimonan aki ta bira profesional despues cu nan gana un cierto cantidad di careda. Ta natural cu un jinete profesional generalmente tin mas experiencia, pero tin hopi aprendiz mes bon cu un profesional. Hopi preparador tin nan jinete preferi y hopi jinete conoce e manjnan di cada cabal. Asina cu ta di gran importancia ta cual jinete ta bai pilota e cabal.

7) E actuacionnan di un cabal ta depende hopi tambe di e habilidad di e preparador. Cada preparador tin nan manera di entrena nan cabal.

Hopi biaha un cabal cu cambia di preparador ta actua despues cu mas exito.

8) Mashu hopi diferencia ta haci e distancia cu e cabainan mester corre. Tin careda riba distancia corticu di 1100 te 1400 metro y esunjan di distancia largo di 1600 metro pariba.

Den e cabainan nos ta distingui animalnan cu ta corre cu bon resultado si e distancia ta corticu y otro ta mas mihor pa corre distancia largo. E aficionado anto mester tin conocimiento di e cualidad di e cabal pa e por huzga 5 y 6 cu posibilidad di tin exito.

9) E aparato di salida tin 14 puesto di cual e cabainan por sali. E numeracion ta bai di paden pafor. Ta comprensible cu pa cada distancia tin puesto di salida mihor cu otro. Pesey e exito di un cabal ta depende hopi biaha di su puesto di salida. E hungador mester ta al corriente di esaki.

10) Den e literatura hipica ta ser publica estadistica y actuacion di cabal, jinete y preparador. E hungador mester tene cuenta cu e ultimo actuacionnan di un cabal pa huzga si e cabal ta corriendo bon of ta bai atras.

11) Tambe e resultado di e entrenamiento ta yuda nos huzga e posibilidad

Materialnan di construcion di calidad y na prijs atractivo esey ta solamente na

PETRONA & CROES

BON NOTICIA!
HUMA MAPLETON Y GANA PLACA ALAVEZ.

AWOR... pa cada paki bashi di MAPLETON, bo ta ricibi **3 cent.**

Agente:
SHANGHAI STORE
San Nicolas.

„SANTA PAULA” y „SANTA ROSA”, bapornan moderno di GRACE LINE, semanalmente ta trece turista y carga pa nos isla.

• Usa e servicio eficiente di GRACE LINE y biaha via GRACE.

Agente:

EMAN TRADING CO. INC

Oficina tel: 1156-1554-5054-5055
Dock tel: 2135

CISCO KID presenta pa cortesia di **ARUBA BOTTLING COMPANY** e promer fabrica di refresco na Aruba, cu e productonan mas gusta y mas pidi. **NESBITTS** e refresco sin igual.

1. Panchito... Nos ta bai cerca Vigo Baños pa nos sa si ta e a horta e garena di municones.

2. Di Este ta bini donder terible y un nubia di stof. Miral Kico esei ta.

3. Un estampada! Riba e seronan!

PEPITA pa cortesia di: **Antillian Hardware Co**
E mehor adres pa VERF, KWASHI, TUR CLASE DI HERMENT, articulos sanitario.

1. Lorenzo, companja mi scege un regalo pa mi casa.

2. Pone bo dilanti pa no mira con e ta bai kedele.

3. Bo casa e ta bai kede mucho mas mihor cu ne....

4. Un ta herdad

TA BUSCA MAS PRONTO POSIBEL

ESPACIO PA OFICINA
na Oranjestad.

Manda ofertanan por escrito cu splicacion completo di compartimento, lugar caminda e ta keda y prijs di huur bou **NUMBER 8001** na Oficina di Arubaanse Courant, - Nassaustraat No. 85, — Oranjestad.

EILANDGEBIED ARUBA
OPENBARE AANBESTEDING

Het Hoofd van de Dienst Openbare Werken Aruba zal op maandag 9 september 1963 des voormiddags 11.00 uur een openbare aanbesteding houden voor het leveren van:

21 ton Betonstap

Leveringsbestekken en voorwaarden zijn vanaf heden ad. fl. 1,— verkrijgbaar ten kantore van D.O.W.

Hopi publico pero poco futbol den e wega Aruba y Surinam

(Di nos Redactor Deportivo)

Un publico grandi, manera den hopi anja nos no a mira den Stadion pa presencia un partido di futbol, a acudi diamars anochi pa presencia e encuentro entre e seleccionnan di Aruba y di Surinam. Tanto e tribuna cu dak como esunnan sin dak tabata practicamente yen di fanatico nan cu a drenta Stadion cu speranza di presencia un bon wega, pero nan speranza tabata cambia pa desilusion segun e wega tabata avanzando. Gran parti di e 22 hungadornan riba teren no tabata demostra un futbol sin tecnica y cu mal control. Especialmente e lineanan delantero di ambos equipo tabata completamente for di forma.

Realmente ta un lastima cu e partido tabata di un nivel asina pover, ya cu tabata un bon chens, teniendo na cuenta e cantidad grandi di fanatico presente, pa bon propaganda pa e deporte di futbol. E comentarionan di e fanatico nan despues di wega manera: „Mihor mi a keda cas, duna mi mi placa bek, cuakier team di junior ta hunga mihor etc. etc.“ ta muestra claramente com desapunta e fanatico a keda cu e wega. No ta pasobra Aruba no a gana of pasobra no a wordo nota ni un solo gol, sino pasobra ambos equipo tabata comete demasiado error di mucha chikito, ambos a faya ora cu nan a hancia oportunidad di anota den forma incomprendible, mientras cu coordinacion tabata loke ningun a muestra en general.

Reina di Deporte Doris Habibe a saka bala.

Despues cu e dos teamnan a aline, Surinam cu e siguiente: Keeper Van Dorpel, backs, Karsters, Strok, Hasselberg y Gong Soi Sang. Volantenan Slingard y Krenten, delantero Esajas, Watson Griffith y Hali-

man y Aruba cu Yubi Richardson den gol backs Candy Wernet, Dany Pablo, Juanchito Pablo, Edwin Dirksz, volantenan Doe Williams y Tony Tromp, y delantero Guillermo Trinidad, Foyito Alberts, Richard Jacobs y Ango Perez, acompaña di president di A.V.B. Ficht Croes y e miembro di Staten y Eilandsraad Ernest Finck, senjorita Doris Habibe Reina di Deporte a dirigi su mes pa meimei di tereno caminda el a hacel e sake oficial pa e partido por cumenza.

Apenas un minuut despues di e pitazo inicial di refrei Jonchi Fingal, kende tabatin como linesman Toy Hoek y Freddy Baptist, Aruba a lanza un atake cu a pone e publico su esperanza aumenta. Por di ala drechi Trinidad ta haci un voortzet cu ta bin net riba cabez di Doe Williams. Esaki ta kop pero directamente den man di keeper Van Dorpel.

Por di e y pa dilanti ta pasa minuut tras di minuut sin cu ningun di e dos equiponan ta hacel algo cu merece mencion.

E linea delantera di Aruba ta faya continuamente, haciendo pasenan malo of perdiendo e bala tratando di pasa un contrario. E visitantonan tambe ta haci un impresion nada particular ya cu apesar cu e equipo di Aruba ta for di forma nan tampoco ta logra haci algo.

Den di 24 minuut, for di e cuatro invallernan (incluyendo un keeper) di Aruba ta wordo manda Geo Guerrero adas pa suskui volante Tony Tromp. Tabata un cambio bon ya cu Tromp for di principio tabata faya hopi.

Dos minuut despues, falta di empuhe den e linea di atake Arubano ta e factor cu ta haci un bon oportunidad bai perdi. Un voortzet for di ala drechi ta wordo busca door di e portero Van Dorpel, pero e no ta gara e bala. Dos delantero Arubano para basta cerca ta trata net basta promer cu nan dicidi di move durando asina tempo na un defensa Surinamense pa por elimina e peliger.

Durante un rapido avance riba ala drechi, e delantero di Surinam Watson ta pone un sorpresivo shot duro na carrera cu a sali na banda pa masha poco. Tabata un di e mihor forma di atakenan di henter e partido.

Faltando tres minuut pa e promer tempo completa e Surinamenjonan ta ripiti un atake similar y atrobe nan shot ta sali na banda.

Promer cu halftime bai aden Aruba ta avanza diferente hacha. Falta di bon combinacion y empuhe pa penetra e defensa contrario ta haci cu e atakenan ta caba promer cu nan por bira realmente peligeroso. E delan-

teronan Arubano ta mucho mas chikito di estatura cu e defensas Surinamense y aparentemente esaki ta loke tabata tene e Arubananan poco atres.

Segundo tempo: Mes pover futbol.

E linea delantera di Aruba ta wordo cambia un poco principiando e segundo etapa di e partido ora cu Ren Gomez ta drenta na luga di Richard Jacobs. Hoben y cu menos experiencia ainda cu Jacobs den partidonan grandi, Gomez tampoco ta duna resultado y e cambio no ta nada beneficioso pa e team.

Keeper Yubi Richardson ta luci den di 11 minuut riba un shot duro di Esajas cu e ta manda comer haciendo un largo uital.

E defensa di Aruba, especialmente Juanchito Pablo y Edwin Dirksz ta den forma y ta logra debolbe cada un di e atakenan Surinamense. Tras di otro nan ta hancia trabao debli na e mal forma cu e linea delantera ta hungando. Door di perde e bala na un contrario den forma ta facil, e delantero Arubano mes tabata coopera pa e defensa di Aruba hancia hopi trabao. Menos mal sin embargo cu Dirksz, e dos Pablonan y Guerrero tabata den forma y sin problema algun tabata debolbe e intencionan Surinamense.

Den di 30 minuut ta presenta un chens pa e equipo local pero door di cu Foyito Alberts ta tarda e chens ta bai perdi. Ren Gomez cu poco despues ta hancia e bala ta shot over di gol.

Cinco minuut despues ta bin un bon intento di e Arubananan. Un pase largo ta duna Foyito Alberts bon chens, pero atrobe e ta tarda pa shot, loke e defensa ta provecha pa stroba su shot.

Sin mas pena ni gloria e partido ta termina sin anotacion.

E arbitro Fingal y su ayudantonan tabatin un anochi sin problema y a dirigi cabalmente.

Promer cu termina e reportaje di e partido aki, cu manera na principio nos a bisa lastimamente a resulta un desapunto grandi pa uno y tur, nos tin di haci un remarcu.

Ariba e banki di invallernan di Aruba tabatin sinta apenas cuatro hungador incluyendo un portero. Cuatro invallern indubablemente ta poco pa un equipo presenta cu ne, mas ainda ora cu ta un equipo hungando den su mes patio. Di parti di A.V.B. nos a wordo informa cu tur e hungadornan cu a acudi na training a wordo avisa pa bin Stadion, pero di otro parti nos a wordo informa cu dos hungador cu a wordo alicia pa principia e wega e atardi e pa tres or y einc ora ainda no tabata sibi si nan tin di bai hunga e anochi ey contra di Surinam.

Na unda e fout ta sinta no ta interesa nos, pero si nos ta kere cu ta necesario pa pasonan wordo tumu pa evita repeticion. Cu hungadornan ta wordo yama pa bin hunga un partido di seleccion y nan ta keda sin presentia sin dung previo aviso, nos ta kere no mester por wordo acepta sin mas. Pa impone e altamente necesario disciplina, nos ta kere cu medidanan mester wordo tumu contra di hungadornan cu ta haci asina.

AGENDA

CINE

Diahuebs 8 augustus 1963
DE VEEB 8.30 p.m. „Sodom and Gomorrah“ 10 J.
RIALTO 8 p.m. „The Alamo“ 14 J.
PRINCIPAL 8 p.m. „13 Ghosts“ 14 J.
AURORA 8 p.m. „Star of India“ 18 J.
SAVANETA 8 p.m. „La Tormenta del Aljico“ 10 J.

BOTICANAN DI WARDA

Oranjestad: BOTICA DEL PUEBLO tel. 1253-2154
San Nicolas: BOTICA SAN LUCAS tel. 5119

DOKTERNAN DI WARDA

Oranjestad-Noord: Dr. C. v.d. Bijl
San Nicolas-Sta. Cruz: Dr. D.R. de la Fuente

WIT-GELE KRUIS

San Nicolas: Dr. Perpetua
Santa Cruz: Dr. Ludovic

POSTSLUITINGEN

Diahuebs

Amstelveen 8.00, Antigua 8.00, Argentina 8.00, Bolivia 8.00, Bonaire 10.00, Br. Guiana 15.30, Canada 8.00, Chile 15.30, Colombia 8.00, Costa Rica 15.30, Cuba 8.00, Curacao 15.30, Ecuador 15.30, El Salvador 15.30, Europa (Azul-Africa) 8.00-15.30, Fr. Guiana 8.00, Gedeon 8.00, Guatemala 15.30, Haiti 8.00, Honduras 15.30, Honduras 15.30, Jamaica 8.00, Martinique 8.00, Mexico 15.30, Montserrat 8.00, U.S.A. 8.00, Panama 15.30, Paraguay 15.30, Peru 15.30, Puerto Rico 8.00, Rep. Dominicana 8.00, St. Kitts 15.30, St. Maarten 15.30, Suriname 15.30, Trinidad 15.30, Uruguay 15.30, Venezuela 15.30, Zaire 15.30, Zulu 15.30. Maratona Atencion: Carramento di piezapa carta ta un ora prome cu di post.

RADIO KELKBOOM

Diahuebs 8 augustus 1963

7.00 Opening
7.02 Bon dia cu alegria (instrumental)
7.30 Musica matutino
8.00 Seleccion musical cu disconan
8.30 Cumpleaños feliz
8.30 Musica social
9.15 Musica varia
9.30 Melodias instrumentales
10.00 Nolestianan internacional
10.05 Rhythmo Latino
10.30 Programa di N. Habibe Jr.
11.00 Nolestianan internacional
11.05 Musica Norte Americana
11.15 Musica Antillana
11.30 Musica varia
12.00 Nolestianan internacional
12.20 Musica Norte Americana
12.45 Nolestianan local
13.00 Musica varia
13.30 Mei ora cu boleros
14.00 Novela (repeticion)
14.30 Peticiones
15.00 Twist
15.30 Merengues
16.30 Calypso
16.45 La Macorisa y Internacional
17.00 Supermarket
17.05 Musica cu sabor Azule
17.30 Nolestianan local
18.45 Coda musical
19.00 Danzantes Cubanos
19.15 Musica varia
19.30 Nolestianan deportivo
19.45 Musica varia
20.30 Musica para la cena
21.00 Nolestianan internacional na Papia-mento
21.15 Musica Europeo
21.45 Musica Norte Americana
22.15 Novela (Vida Robada)
22.45 Musica varia
10.00 Sluiting.

RADIO VICTORIA

Diahuebs 8 augustus 1963

A.M. 9.00 Apertura
9.05 Ultimas noticias
9.15 E Bijbel habri
9.30 Gimnasia
10.00 World news
10.10 The Bible for you

10.15 Radio revival
10.45 Thoughts on home
11.00 Chapel of the air
11.15 Novela
11.30 Melodias di meridia
12.00 Ultimas noticias
12.15 Musica sacra
12.30 World news
12.45 Quiet time
1.00 Radio concert hall
2.00 Reading room
2.15 Songs of zion
2.30 Quiet hour
2.45 Estudios musicales
3.15 Melodias del atina
3.30 Poesia y poesia
4.00 Musica di banda
4.15 Ultimas noticias
4.30 Cafe con musica
4.45 Noticias na Spanglo
5.00 Academia del aire
5.15 Palabras di vida
5.30 Musica para la cena
6.00 Ultimas noticias
6.30 Intermedio musical
6.45 Noticias nuevas
7.00 Fun with music
7.15 Sacred Songs
7.30 Musica interludio
8.00 World news
8.15 Of the record
8.30 Radio to the Bible
9.00 Musical genre
9.30 Songs in the night
10.00 World news
10.05 Klassiek muziek
11.00 Sign off.

RADIO CARACAS TELEVISION

Diahuebs 8 augustus 1963

8.45 Senderos de la vida
9.00 Cajas con sorpresas
9.30 Jardin de infancia
10.00 Ingles por T.V.
10.15 Programa de Cecilia Marthas
11.15 Supermercado al aire
11.45 Novela
12.00 Show de Saume
12.30 Jefe de 87
13.00 Noticias
13.05 Cont. Show de Saume
13.15 Se necesita una amiga
13.30 Novela
14.00 Punto y aparte
14.30 Yo se lo vendio
15.00 Estudio de Hecor Monleverde
15.15 Perfecta ama de casa
16.00 Aventuras Popye y Yeyo
16.30 Mejias y sus muchachos
17.00 The Tac Toe
17.30 Pelicula
17.55 Noticias
18.00 Pelicula
18.05 Telecine
18.30 Dramet
20.00 Observator
20.15 Novela
21.00 Un matrimonio perfecto
21.30 Esta noche Brillio
22.30 Noticias

E CONFLICTO IDEOLOGICO ENTRE RUSIA Y CHINA

MOSCU. 8 aug. — E coranti di partido comunista Ruso „Komunisti“ ta scribi cu e lidernan Chines ta usa nan actual politica pa sconde e verdadera motibunan pa e dificultadnan y fracasosnan di ultimo anja na China pa e pueblo.

E corant ta scribi cu direccion di partido comunista Chines ta trata na quita atencion di e masa for di e verdadera causanan di e fracasosnan na China.

Segun e corant e dificultadnan a wordo causa door di e prehistia nan incorrecto di partido comunista Chines.

EMBAHADOR MERICANO NA BERLIN OOST

BERLIN. 8 aug. — E embahador MERICANO na Bonn, George Meghee, kende ta baciendo un bishita di cuater dia na West Berlin, ayera a combersa casi dos ora na Oost Berlin cu e embahador Ruso na Alemania Oost. Segun un portavoz di Merca e dos embahadornan a papia tocante e asunto di e reponsabilidadnan di nan paisnan a base di e acuerdonan di e cuater potencionan.

mes ofende, naturalmente pasobra Brigita tabata duna di su hombreza. Brigita a bari cu smaak.

—Esey mi no ta kere, el a contesta sigur. Loke Cristina kier, e ta hancia mas parti tambe.

E tabata sa pa kita e testamentu for di bo tata y awor e ta donjo di Rassendorf. Pero esey siguramente ho sa mehor cu ami.

Arnoldo su cara a bira masha serio.

—Cuan to cens pa gasta e ta duna bo? Brigita a brogonece mas.

Cristina a duna un buki di cheque, y tur tabata firma. E por a gasta cuanto placa cu e tabata kier. Pero su firma tabata necesario esey tabata un hecho.

—No tabia asina. Mi ta priminti pa no papia mas riba tal asunto. Pero, ta irrita mi pa mira con e ta trata bo. Naturalmente si aho ta tu-ma esey....

Arnoldo a sinti con su sanger a cumenza herebe. Siman aden siman afor el a biba sin preocupu su mes. El a trata pa eustimhra atrobe cu su libertad.

—Ki dia ho ta bin bishita mi? Brigita a puntra. Su wowonan tabata lombra ora cu el a mira con e vene-no cu el a semhra a cumenza crece. Lo tin escena desagradabel, e tabata pensa, y quizas hasta e ta sake for di cas. Algun bishita mas el a menta Cristina su nomber y el a haci man-cera e tabata goze. Pero en berdad e tabata pinta e mucha muher manera un hende sin corazon y sin consen-shi.

Un homber completamente diferente a regresa desputes di e pasco ey. En berdad tur cos aki ta di mi, e tabata pensa, y Cristina ta trata mi manera un biesteped. Pero esey lo cambia.

Cristina a salud e cu un sonrisa ora cu el a drenta den e kamber di trabao.

—Bai sinta Arnoldo. Bo kier huma? Juda bo mes numa. Y cu kiko ami por juda bo?

—Mi kier a puntra solamente ki dia ho lo entrega mi Rassendorf?

Cristina a spanta. Esey e no tabata spera.

—Asina cu abo kier naturalmente? Bo tin pura antio?

(E ta sigui)

Gran Feria Cacique

na Club Caribe riba dia 9, 10, 11, 17 y 18 di augustus, cuminzando pa 7'or di anochi y Dladomingo pa 4'or di alardi.

Premionan atractivo y util na wegonan exitante manera Royal & Straight Flush, Las Vegas Game, Lucky Strike Pitch, Grabbelton, Poppentent, Postkantoor, Ruleta y ainda hopi mas.

BINI UNO, BINI TUR NA E GRAN FERIA, Y GANA HOPI PREMIOS!!

Un bar y cushina bon surti. Rifanan di bromfiets, set di parch, set di comedor etc. etc.

CADA FECHA UN BUNITA DOORPRIZE.



LAGA REDDY HACIELE PA BOI E TA HACIELE CU SMAAK.

Senjora; Bo sabi cu Reddy Kilowatt gustosamente kier haci tur trabou fastioso pa bo. Lagué masha bo harinjo di pan, cushina bo cuminda, polish bo vloernan, stof bo tapijtnan, roaster bo pan y diferente otro trabou.



AVISO

Commandante di Marinierskazerne „Savaneta“ na Aruba, ta participa cu dia 9 di agosto 1963 for di 7'or — 1'or, lo wordo teni ebercicionan di tira riba e terreno Californi (Aruba).

Haltura maximo 1000 meter.

E terreno peligeroso lo wordo marca cu bandera cora y borchinan di aviso.

E terreno peligeroso riba laman lo ta 3000 meter for di costa.

DICK TRACY

1. Si mi a tende.



RIP KIRBY JAN BODEGOM & CO (Aruba) N.V. TEL. 1284 — 1402

agente exclusivo di FRIESCHE VLAGECHI evap arado y lechi en polvo MAXWELL HOUSE KOFFIE



BUCHI ROBEZ presenta pa cortesia di PIET'S SODA FOUNTAIN tel. 2123

★ e mehor adres pa snacks, tur clase di dushi, softdrinks.



FL. 50.—

**PA UN
NOMBER NOBO**

PA

„ARUBAANSE COURANT“

**TUR NOS ABONADONAN
SA CABA:**

cu bo reporternan y tur otro empleadonan di „Arubaanse Courant“ ta haciendo tur nan posibel pa ofrece bo diariamente un bon corant. Cu nan tin exito, bo ta ripara **mesora**, si bo compara e corant di awe, cu un corant di anja pasa:
**MUCHU MAS PORTRET Y NOTICIA
DI BO MES ARUBA!**

Den e 8 anja y mei cu nos ta dirigie e corant aki, nos a cambiele di un completamente na **HULANDES**, pa 99% na **PAPIAMENTO**

**Awor cu esun porcientu cu ta falta, nos lo
aprecia yudanza di nos lectoran.
E NOMBER NA HULANDES MESTER BIRA
NA PAPIAMENTO!**

BO SA UN NOMBER ADECUADO!

**E mester ta energico, facil pa pronuncia,
caracteristico y digno.**

**SOLAMENTE ABONADOS
POR PARTICIPA**

Manda bo sugestionnan por escrito pa
ARUBAANSE COURANT, NASSAUSTRAT 85.
Marca ariba e envelop „Nomber nobo“

FECHA FINAL:

10 di Agosto 1963

Solamente si tin un nomber cu nos lo usa, e premio di f 50.— lo worde entrega. Si entre tur e remitentenan no tin ningun nomber cu worde usa, anto nos lo nombra un jurado pa selecta dos dje mehoran, y recompensa esakinan cu f 25.— cada uno.

BIRA ABONADO AWOR

Di e unico diario na PAPIAMENTO riba mundo!

Apuntes Editorial

**DESARROYO CRITICO
(CONT. DI PAG. 1)**

Pero awor e consecuecianan. Como cu e posicion di diputado y miembro di Staten no por ta den man di e mesun persona, Mathew lo tin di renuncia como miembro di Staten, esta si e kler acepta su nominacion como diputado. Pero si e laga e college di Staten anto e mayoria di 12-10, di P.P.A.-D.P. ta bira 11-10. Como cu e quorum necesario den Staten ta 12, e remplazamiento di senor Mathew como miembro di Staten por nifica cu nunca un sucesor (senor Jose Geerman) por worde nombra, como cu lo no tin quorum, si cada blaha ora cu e punto aki worde trect adiantu oposicion sali for di den sala di reunion. Asina aho cu e pais lo ta den un situacion cu casi no por worde goberna. Un otro consecuencia cu nor resulta cu e renunciamiento di Mathew como miembro di Staten, ta cu e posicion unico cu e isla rhenjonan tin na e momento aki den e fraccion di gobieno (2 di e 12) lo bai perdi. Na e momento ta worde studia seriamente si un manera no por worde hanja, pa eligimento di e sucesor den Staten, sin cu e mayoria di PPA-DP corre peliger. Si e solucion aki ho worde hanja, anto e renunciamiento di senor Mathew como miembro di Staten lo no ta algo cu probablemente lo tumu lugar.

Den e caso cy tin dos posibilidad ainda. Senor Mathew no ta acepta su nominacion como diputado, asina cu atrobe mester eligi un di cinco diputado, cu tur e risiconan cu tin pa esey den e situacion na e momento. Of... senor Mathew ta teuc su nominacion pa puesto den B.C. den estudio. Segun reglamento di territorio insular e por haci esaki mes tanto tempo cu e ta desea. Den e ultimo caso e situacion den Staten y tambe den B.C. ta salba, como cu e partida pues, haci su posibilidad pa duna un puesto di diputado manera custumber, na un no-Arubiano, y cu cuater diputado, manera a resulta anteriormente, tambe ta bastante pa goberna e isla. Alavez cuater ta mas barata cu cinco, local den e tempo aki tambe ta di importancia. Asina cu Aruba lo tin cuater diputado Arubiano.

Entre tanto nos ta observando e desarroyo dramático den P.P.A. cu inquietud. Di un banda nos ta mira un desintegracion, como cu personanan individual ta lanta riba nan mes y ta haci exhibicionan. Di otro banda tin kehonan tocante di dictadura den e directiva. Esakinan tin algo di bael cu otro? Pa motibo di e echo cu e candidatura di Islan Ariba a hanja 1918 di e 11662 votonan di P.P.A. na april ultimo, e duo Chance y Anslin no a bisa: „nos tin gana di hanja un chens pa e di cinco puesto cu boso ta reserva pa un no-Arubiano“, pero nan a exhibe: „e di cinco puesto ta di nos“. Promer nan tabata kier pa Chance hanja e puesto, despues Anslin, na e ultimo momento tabata Hugh Hassell. Pero na e momento aki ya e partidanan tabata separa leu for di otro, asina cu un reconciliacion rapido rond di e figura di Hassell tabata imposibel. Kende tin falta? P.P.A. ta bisa cu e duo Chance y Anslin ta arrogante, Inrazonable y indigno di confianza. Enberdad tin e honnan cu ta muestra esaki. E duo ta bisa: „nan no kier duna nos un chens, nan ta laga nos un banda cu tur cos y sin motibo.“ Tambe e duo ta bisa: nos no kier libra cu P.P.A., nos ta teuc porta habri.“ Pero cu razon e partida por puntra su mes, kiko nan galahranan bal, despues di e experiancian di e ultimo simanman, na unda mas cu un blaha a worde constata cu e palabranan di e caballeronan aki no ta cubri nan ehonan. No ta parce, cu na e momento P.P.A. tin plannan pa busca asercion cu e dosnan. „Nos ta conta cu un mayoria di 11 den raad“ asina un vocero di e partida a declara na nos. Loke no kler meen, cu Chance y Anslin de bez en cuando lo no apoya e proposicionnan di B.C. Pero si P.P.A. bisa, „Nos tin 11“, anto esey kler meen cu nan tin 11 voto ariba cual nan por confia. Esaki ta nifica cu e partida aki tin un mayoria macha chiquito den raad ariba cual nan por confia.

E reunion den raad di diarazon siman pasa, a duna un fineta mas, cu nos no por laga pasa. Segun un vocero di P.P.A. a declara na nos, por a worde constata cu Chance y Anslin no a apoya e candidatura di Mathew, como cu e otro miembro di e fraccion aki a controla votonan di otro. Ora cu nos a tende e medida di controlacion aki nos a spanta. Articulo 42, di reglamento di territorio insular ta bisa, enberdad unicamente, cu e votamento tocante di personanan cu ta sosode cu e papelnan di votamento „cera“, pero claramente esaki ta nifica cu e votamento aki tin di worde haci na secreto, esaki kler meen, cu e papel di vota, no mag muestra kende ta e votador y cu e oficina di votamento tin di ta e promer, cu ta mira con a worde vota. Si e votadornan muestra otro nan papel di vota, anto esaki no ta un votamento secreto mas, aunke cu e ta sosode cu aprobacion di cada uno. E proposicion di decision pa muestra otro

agha kende nan a vota, durante di e votacion secreto aki ta algo cu no por worde yama nada otro cu „no-democratico“. Y na unda mas cu den elaudraad tin di percura pa e principio nan democratico worde manteni? P.P.A. den su esfuerzo pa percura cu un di e 11 votonan no dwaai atrobe, manera cu a sosode un siman anterior durante di e promer eligimento di senor Falcón, a tumu un medida cu nos tin di yama macha peligroso, pa nos democracia, y pesel tin di worde condena. Tal medida nan nunca la bida, por worde aproba pa cual motibo cu sea. Tumando e consecuecianan serio di e medida aki, nos ta kere, cu na e momento cy P.P.A. no tabatin un idea kiko e consecuecia nan lo ta. Pero hasta si tur ta di acuerdo cu esaki, anto ainda nos ta considera como nos deber di corant pa atenua esaki. Pa proteccion di democracia, cu ta e fundamieto di nos Statut, e gla di nos manera di bida, e proteccion di nos libertadnan personal.

Asina anto cu P.P.A. tin dos homber cual nan no ta confia mas. E partida cu ocho anja largo, gracia na e poselton di mayoria cu nan tabatin den raad, por a traha hopi proyecto nan grandi, ta bin den peliger. Inquietud politico ta creciendo. Pa Aruba e desarroyo aki ta mes peligroso cu pa P.P.A., pasobra hopi plannan di P.P.A. tin di worde realisa ainda. Esaki unicamente por worde haci si ta rehando quietud politica na Aruba y cu oposicion no por stroba e plannan aki. Pa nos clarifica esaki nos kler unicamente recorda esaki, un fabrica nobo di awa lo a worde traha si oposicion tabata goberna na anja 1956? Y no ta na e fabrica di awa aki cu henter e new look di Aruba tin di worde gradi? Pesel ta di spera cu P.P.A. y Chance cu Anslin lo sabi di compronde otro atrobe. Esaki unicamente por sosode si tur dos e partidanan den e conflicto aki compronde cu fin un interes mas grandi cu e interes personal y prestigio personal: esun di Aruba! Buscando den un otro direccion e resolucion probablemente por worde hanja door di renunciamiento di senor Mathew pa e di cinco puesto y ofrece esaki na un di e partidanan di oposicion en cambio pa apoyo.

Cumpleanjos

Dia 4 di augustus a cumpli 3 anja di edad e hobencito Roland Victor Martis. Felicitacion ta bini di su mania Marita, tata Toy, su rumannan Judith, Tommy y Ruth y demas familia Martis, Kock, Flores, Beumdes.

Dia 6 di augustus a cumpli anja e simpatica senjorita Ivonne Dake. E ta ricibi felicitacion di familia Gaari cu Aruba muy especialmente di su amiga Shirley y Blanca Gaari y demas amigu y conocinman.

A cumpli anja senjora Zilda Gaari. Hopi felicitacion ta bini di parti di su esposo, yunan na Corsow. Famianan Coenraad, Nathan, Gaari, Reconde, Meereen, y Petrona. Na Aruba familia Martina y Dake.

Awe ta cumpli anja Federico Tromp. Felicitacion ta bini de su querida esposa Ramona y di su mania y tata y tur su rumannan.

Awe ta celebra su feliz cumpleanjos e gentil caballero Emiliano Croes. Felicitacion ta bini di su mania Mariana, tata Chindo, su 8 rumannan, su amiguan y demas familia y conocinman.

Ajera a cumpli anja e gentil caballero Alberto Lacle. Felicitacion ta bini di su tata mama y rumannan, tambe di su pepe y omonan, primo y primanan y especialmente di su amigonan di Aruba Caribbean Hotel Casino y demas familia Lacle, Croes, Dijkhof y De Mey.

**BANCONAN NA LIMA
TA SERA**

LIMA, Peru, 8 aug. — E banco nan na Lima a worde sera awe atrobe despues di un accion pa traha poco poco cu e empleadonan di banco a hiba. Nan kier un aumento di nan salario. For di dia binti di luna pasa e banconan tabata solamente cinco dia habri.

**ALEMANIA WEST TA AVISA
MERCA PA GUERRA DI PRIJS**

BONN, 8 aug. — Gobierno di Alemania West a laga entrega un aide-memoire na e ministerio Mericano di exterior. Den esey e gobierno federal di Alemania ta avisa autoridanan Mericano pa un guerra economico entre Merca y republica federal di Alemania, causa door di e asuntu di import di volateria na Alemania West.

E motibu pa e paso aki ta e diferente declaracionnan di funcionarianan Mericano, especialmente di e president di e comision pa exterior di senado, Fulbright, den cual e ta exige medidanan di represalia door cu e comunidad economico Europeo ta ninga di rebaha derechonan di import riba volateria di Merca. Mdeidanan di e caracter aki lo afecta principalmente Alemania West.

Republica federal a tuma anja pasa mas o menos cincuenta milyon dollar na volateria Mericana, loke ta 87 porcientu riba e import total di E.E.G. riba e tereno aki.

Den circulanon di Alemania West nan ta altamente asombra cu Washington considerando pa tuma medidanan, cu ta contra export di Alemania, tumando en consideracion e poco importancia di e asuntu e import di volateria.

**ESCUADRO FRANCES NA
AMSTERDAM**

AMSTERDAM, 8 aug. — Awe Mainta un escuadra di flota Frances, cu ta consisti di cuater fregata y un corvet, a yega den haaf di Amsterdam. E bapornan Frances di guerra lo keda cuater dia na e capital Hulandes.



Aki nos por mira e ultimo instruccionnan pa e participantenan na e jamboree na Marathon na Grecia, cu tabatin delegacion Antillano a asisti. For di Hulanda a sali diestres autobus cu participantenan na e jamboree di verkennerman na Grecia.

**BO HOROSCOPO
PERSONAL**

ARIES

21 Maart — 20 April



Bo ta den un periodo cu ta existi hopi atencion pa bo partner di matrimonio. No haci nada cu por perjudica bo prestigio.

TAURUS

21 April — 20 Mei



Haci bo mehor den bo trabao y debanan di cas. No ta un dia pa deshaci di bo debanan y no laga nan hinca cu nada.

GEMINI

21 Mei — 20 Juni



Aspectonan excelente ta favorece tur loke bo ta inici awe. Ta un dia favorable pa firma acuerdonan y pa solicita.

CANCER

21 Juni — 22 Juli



Cuminda tempran y cu energia pasobra loke bo haci awe tin apoyo fuerte di planetanan.

LEO

23 Juli — 22 Augustus



Por bira un dia hopi ocupa cu bishitanan y encuentronan. Ta un bon periodo pa papia cu otro y asina deshaci di problemanan.

VIRGO

23 Augustus — 22 September



Aspectonan favorable ta keda favorable pa bo. Den asuntunan di amor bo mester actua cu mas seguridad; no perde curashi.

LIBRA

23 September — 22 Oktober



Aspectonan favorable di awe, por favorece hopi interes di bo. Den amor bo lo hanja un solucion pa tur bo problemanan.

SCORPIO

23 Oktober — 22 November



Awe bo por spera un noticia favorable di karakter material. Paga atencion na cartanan esey lo juda bo hopi.

SAGITARIUS

23 November — 21 December



Aspecto di Mercurio ta favorece hopi di bo interesnan, tanto riba tereno di negoshi como personal, haci bo best.

CAPRICORNUS

22 December — 19 Januari



Influencianan di planeta ta juda den tur bo contactonan cu hendenan importante. Ta un dia pa solicita y deslbera.

ACUARIUS

20 Januari — 18 Februari



Aspectonan di awe ta favorable riba casi tur tereno, den amor, negoshi, trabao, haci bon uso di esaki.

PISCES

19 Februari — 20 Maart



Controla bo posesionnan y finanzas. Por ta cu bo no ta haci uso di tur bo talentonan. Tin bon aspectonan pa regla asuntunan financiero.

**DIARIO CHINES DEN
MAN MERICANO**

WASHINGTON, 8 aug. — Un comentarista dje ministerio Mericano di asuntunan exterior a participa awe cu a resulta foi un cantidad di diarionan di exercito Chines cu ta den poder di Merca cu tantu durante periodo di invierno 1960-61 tantu cu mil como militar na China comunista tabata malcontentu y inquieto. Den documentonan nan ta papia segun e vocero tocante falta di euminda, tantamentunan di polis civil y faltanan na provisionnan di exercito. El a a ninga pa participa con e documentonan aki a bin para den poder di Merca.